



ulloq 26. Juni 2026

Inatsisartut Suleriaasianni § 37, imm. 1 naapertorlugu apeqquitiit tulliuuttunut Naalakkersuisunut saqqummiuppakka.

1. Narsaq peqqissaaviani sygeplejerskit amerlassusaasa ikilineqarnissaannut kina aalajangiiva?
2. Suut patsisigalugit ikilisaanissaq toqqarneqarpa?
3. Taamatut aalajangertoqarnissaa sioqqullugu Narsap peqqissaaviani sulisut oqaloqatigineqarsimappat?
4. Sygeplejerskit atorfeqartinneqartut amerlassusaat pisariaqartinneqanngitsoq isumaqatigiissutaava?
5. Taamatut aalajangernerup kinguneranik sygeplejerskinngorniartunik sulisoqarnissaq periarfissaajunnaarnissaa, naak peqqissaavimmi kliniskvejlederimik atorfeqartitsisoqaraluarnera eqqortuua?
6. Sinerissami peqqissaavinni minnerni allani ikililerinerit aamma atuutsinneqarpat?

(Inatsisartunut ilaasortaq Paarma Lund Kreutzmann, Inuit Ataqatigiit)

Tunngavilersuut:

Narsaq peqqissaaviani sygeplejerskit ikilisinneqarnissaannik aalajangerneq pillugu maalaarutit arlallit inuit attaveqatigiittarfiatigut takuakka, tamannalu annertuumik uggorineqarpoq. Ilaasa allannerattut tamanna Kalaallit Nunaanni peqqinnissaqarfimmik qitiusumik eqiterinertut tamanna toqqaannartumik suliniutitut isigineqarpoq. Suliani taamaattuni amerlasuunut sunniisussani sunniuteqaqataanissaq Naalakkersuisut soqutigisarissagaat isumaqarpunga.

Sygeplejerskit pisariaqartippavut, Narsarlu sygeplejerskinngorniartunut periarfissatsialattut ilisimaneqarpoq. Tamanna nunatsinni sygeplejerskit ineriartornerannut iluaqutangilaq.

Soorlu ilaasa allannerattut tamanna sumiginnaanertut isigineqarpoq, nunatsinnimi sygeplejerskit amerlanerit pisariaqartinneqarput.

Inuttut sygeplejerskinngornianut peqqissaavinni minnerni praktikerneq annertuumik ilikkagaqarfiusartoq isumaqarpunga.

Apeqqutimma ullut suliffiusut qulit ingerlaneranni akineqarnissaat kissaatigaara.